

BOSNA I HERCEGOVINA
FEDERACIJA BOSNE I HERCEGOVINE
ZENIČKO DOBOJSKI KANTON
JAVNA USTANOVA
DOM ZDRAVLJA BREZA
Broj: 01-1082/2021
Breza: 11.10.2021

BOSNA I HERCEGOVINA
FEDERACIJA BOSNE I HERCEGOVINE
ZENIČKO DOBOJSKI KANTON
OPĆINA BREZA
n/r Općinskog načelnika

PREDMET: Odgovor na vijećničko pitanje, dostavlja se;

Vezano za vijećničko pitanje vijećnika Adnana Rahimića, a koje se odnosi na provedbu odredbi Zakona o pravima boraca i članovima njihovih porodica u segmentu zdravstvenih usluga, možemo odgovoriti slijedeće:

U Javnoj ustanovi Dom zdravlja Breza se u potpunosti sprovode odredbe Zakona o propisima boraca i članovima njihovih porodica („Službene novine FBiH“ broj: 33/04, 56/05, - ispravka 70/07, 9/10, 90/17) i Zakona o dopunskim pravima boraca i članovima njihovih porodica („Službene novine Zeničko-dobojskog kantona broj: 01/14).

S poštovanjem!

DOSTAVLJENO:

1 x Naslovu
1 x a/a

DIREKTOR

prim.dr.spec. Fikret Salčinović





Broj: 01/2-04-3034/21
Breza, 21.10.2021. godine

OPĆINSKO VIJEĆE BREZA
- SLUŽBA OPĆINSKOG VIJEĆA -

Predmet : Odgovor na postavljeno vijećničko pitanje -

U okviru vijećničkih pitanja na sjednici Općinskog vijeća Breza koja je održana dana 30.09.2021. godine, vijećnik Dino Gavranović je postavio vijećničko pitanje koje glasi:

„Zašto i dalje nemamo zaključen ugovor o prenosu sjednica Općinskog vijeća uživo?“

U vezi postavljenog vijećničkog pitanja, dajemo sljedeći odgovor:

Na osnovu usvojenog budžeta Općine Breza za 2021. godinu, zaključen je ugovor sa „Radio Breza“ o prenosu sjednica Općinskog vijeća reemitovanjem. U budžetu za 2022. godinu, planirat će se novčana sredstva za prenos sjednica Općinskog vijeća uživo, tako da se zaključenje ugovora planira početkom sljedeće godine.

S poštovanjem.

Dostavljeno
1 x Naslov
1 x evidencija
1 x a/a

Općinski načelnik
Vedad Jusić



Služba za finansije, inspekcijske poslove i opću upravu

Broj:03/1-11-3035/2110
Breza,20.10.2021 godine

Stručna služba Općinskog vijeća
i Općinskog načelnika

Predmet: Odgovor na vijećničku inicijativu

Na pokrenutu inicijativu vijećnika gospodina Dine Gavranovića, dana 30.09.2021 godine, a koja se odnosi na planiranje budžetskih sredstava u Budžetu Općine Breza za 2022 godinu, za nabavku i postavljanje nadzornih kamera na područjima gdje se nalaze divlje deponije, dajemo sljedeći odgovor:

Organ uprave Općine Breza u postupku donošenja i usvajanja Budžeta za narednu godinu, će razmotriti i pokušati iznaći mogućnost izdvajanja budžetskih sredstava za ovu namjenu.

S poštovanjem!

Dostavljeno:
1x Naslovu
1x a/a

Pomoćnik načelnika
Meliha Beširević



Bosna i Hercegovina
Federacija Bosne i Hercegovine
Zeničko-dobojski kanton
Javna ustanova
Dom zdravlja Breza
Broj: 01-1108/2021
Breza, 15.10.2021 god.

Općina Breza
Stručna služba Općinskog vijeća

PREDMET: Odgovor na vijećničko pitanje

Poštovani,

Na jedanaestoj redovnoj sjednici Općinskog vijeća, održanoj dana 30.09.2021.god., vijećnik Abadžija Nedit postavio je vijećničko pitanje koje se odnosi na COVID pacijente. Shodno podacima koje raspolažemo dajemo odgovor u prilogu.

Pitanje je glasilo : "Da li je istina da su općine Breza i Zavidovići prvi po smrtnosti od posljedica COVID – 19?"

Odgovor : Od proglašenja pandemije od strane SZO (WHO) 2020. godine zdravstvene ustanove u FBiH sve aktivnosti u spriječavanju i suzbijanju pandemije provode u tijesnoj koordinaciji sa Federalnim ministarstvom zdravlja, Zavodom za javno zdravstvo FBiH, Ministarstvom zdravlja ZE-DO kantona, Kriznim štabom ministarstva zdravlja ZE-DO kantona, Institutom za zdravlje i sigurnost hrane te Službom za epidemiologiju i higijenu ZE-DO kantona. Do sada smo više puta naglasili da od gore navedenih institucija sve zdravstvene ustanove dobijaju naredbe, preporuke i odluke koje su dužne da ispoštuju. Dom zdravlja nije dobio naredbu da prati statistiku cijelog ZE-DO kantona jer to nije u nadležnosti istog. Zbog toga ne možemo govoriti o tim podacima jer ih posjeduju druge institucije. Mjesečni izvještaj sačinjen na nivou Doma zdravlja, gdje je naveden broj testiranih, oboljelih i umrlih pacijenata šaljemo na adresu Instituta za zdravlje i sigurnost hrane u Zenici te Ministarstvu zdravlja ZE-DO kantona . Isti se dostavlja i na Vašu adresu, pa imate uvid u cjelokupnu situaciju.

U dodatku koji je potpisao vijećnik Abadžija Nedit postavljeno je pitanje: "Na koji način Dom zdravlja Breza tretira COVID pacijente koji su u teškom stanju, da li imaju neki sistem po kojem postupaju ?"

Odgovor: Smjernice za liječenje oboljelih od COVID -19 predstavljaju sublimaciju preporuka Svjetske zdravstvene organizacije, relevantnih smjernica u BiH i Federaciji BiH, kao i dostupnih iskustava kako domaćih pa tako i inozemnih klinika, te medicinskih stručnjaka tokom pandemije. Ljekari u Domu zdravlja su u stalnom kontaktu sa ljekarima sa Infektivnog odjela u KBZ kao i Infektivne klinike u Sarajevu, te se svaki pacijent prati i pristupa mu se na način na koji je

preporučeno od strane ljekara specijalista.

Poznato je da Dom zdravlja Breza i Služba za hitnu medicinsku pomoć raspolažu jednim sanitetskim vozilom, u toku jedne smjene. Preciznije, dana kada je trebalo trasportovati pomenutog pacijenta, vozilo je bilo na povratku iz Kantonalne bolnice Zenica.

S poštovanjem!

Koordinaciono tijelo za praćenje i sprečavanje širenja COVID-19

Dostavljeno:

1x Naslovu

(putem e-mail-a na: vijece@breza.gov.ba)

1x a/a



Služba za finansije, inspekcijske poslove i opću upravu

Broj: 03/1-2-19-3033/21
Breza, 14.10.2021.godine

OPĆINSKO VIJEĆE BREZA
- SLUŽBA OPĆINSKOG VIJEĆA -
Ovdje

Predmet: Odgovor na vijećničku inicijativu, dostavlja se.-

Na sjednici Općinskog vijeća Breza održanoj 30.09.2021. godine, u okviru vijećničkih pitanja i inicijativa, vijećnik Rihić Anel je u pismenoj formi uputio inicijativu, koja glasi:

„Upućujem inicijativu da nadležna služba provjeri visinu i širinu stabala koja se nalaze pored glavnog puta R-444 i da li ometaju učesnike u saobraćaju. Prije par dana grana je sa kamiona obrušila teret koji se prevozio i time ugrozila učesnike u saobraćaju. Grane koje narušavaju sigurnost obavezno da se uklone.“

Vezano za vijećničku inicijativu, sanitarno - komunalni inspektor Općine Breza daje sljedeći odgovor:

Odredbama člana 26. Odluke o komunalnom redu („Službeni glasnik Općine Breza“, broj 1/19) propisano je: „*Vrtove, voćnjake i druge slične površine (ograđene i ne ograđene) te ograde, kao i neizgrađena građevinska ili druga zemljišta u privatnom vlasništvu uz javne površine, vlasnici i korisnici moraju držati urednim i funkcionalnim, kako iste ne bi narušavale opći izgled ulice/naselja.*“

Shodno naprijed navedeno članu, sanitarno-komunalni inspektor konstantno provodi inspekcijsku kontrolu lokalnih cesta i nekategorisanih puteva, upozoravajući vlasnike parcela koje graniče sa javnom površinom da su dužni urediti svoje međe, te izvršiti uklanjanje rastinja koje prelazi preko granične linije posjeda na javnu površinu.

Imajući u vidu da je odredbama člana 60. Odluke o komunalnom redu („Službeni glasnik Općine Breza“, broj 1/19) zabranjena sjeća i potkresivanje stabala na javnim površinama bez odobrenja nadležne Službe za prostorno uređenje, zaštitu okolice, geodetske i imovinsko - pravne poslove Općine Breza, ista će po predmetnoj incijativi sačiniti plan potkresivanja i uklanjanja stabala koja mogu uzrokovati štetu, te će isti putem Programa obavljanja komunalnih usluga zajedničke komunalne potrošnje, ili angažovanjem nekog drugog ovlaštenog lica, realizovati u narednom periodu.

Dostavljeno:

1. Naslovu
2. Pomoćnik načelnika 03/1
3. Evidencija
4. a/a

Sanitarno - komunalni inspektor

Elsada Šehović, dipl.ing.hem.



Služba za finansije, inspekcijske poslove i opću upravu

Broj: 031-1-2-33-3032/21
Breza, 14.10.2021.godine

OPĆINSKO VIJEĆE BREZA
- SLUŽBA OPĆINSKOG VIJEĆA -
Ovdje

Predmet: Odgovor na vijećničku inicijativu, dostavlja se.-

Na sjednici Općinskog vijeća Breza održanoj 30.09.2021. godine, u okviru vijećničkih pitanja i inicijativa, vijećnik Mirnes Bašić je u pismenoj formi uputio inicijativu, koja glasi:

„Da sanitarno-komunalni inspektor shodno potrebi uklanjanja divljih deponija podnese tj. naloži uklanjanje divljih deponija na području naše općine. Primjeniti već primjenjenu metodu u proteklom periodu sa rupama koje su iskopane pored i u samoj površini lokalnih puteva.“

Vezano za vijećničku inicijativu sanitarno - komunalni inspektor Općine Breza daje sljedeći odgovor:

Divlje deponije na poručju općine Breza stvorene su od strane nesavjesnih građana, odnosno NN lica. Inspektor je u prethodnom periodu pokušavao kroz razna obaveštenja skrenuti pažnju javnosti na primjerno ponašanje, te poštivanje odredbi Odluke o komunalnom redu, kao i apelirati da se počiniovi nelegalnog odlaganja otpada prijave, kako bi inspektor mogao djelovati represivno prema istima. Za sve one prekršioce za koje su postojali čvrsti dokazi o učinjenom prekršaju, inspektor je djelovao represivno, izdavanjem prekršajnog naloga.

Kada je u pitanju saniranje divljih deponija, svake godine planiraju se aktivnosti i određena finansijska sredstva kroz „Program zajedničke komunalne potrošnje“, kao i mnoge dobrovoljne akcije udruženja, institucija, pravnih i fizičkih lica, predsjednika mjesnih zajednica i njihovih podružnica, te svih savjesnih građana Općine Breza koji učestvuju u čišćenju i uređenju našeg grada. Međutim, za potpuno uklanjanje svih deponija na području Općine Breza potrebna su mnogo veća finansijska sredstva, a koja bi se trebala iznaći putem drugih vidova finansiranja.

Imajući u vidu sve naprijed navedeno, inspektor nema osnova da nalaže komunalnom preduzeću uklanjanje cca 22 divlje deponije na području općine Breza, a koje su stvorene od strane NN lica, jer se za takve aktivnosti moraju iznaći dodatna finansijska sredstva u Budžetu.

Međutim, ono što inspektor može i što je već poduzeo jeste pokretanje postupka inspekcijskog nadzora po službenoj dužnosti, a u vezi nekontrolisanog formiranja divlje deponije od strane JP "Komunalno" d.o.o. Breza na lokalitetu "Nedići", općina Breza, gdje je istom naložio uklanjanje komunalnog otpada sa predmetne lokacije, te odvoz istog prema regionalnim centrima upravljanja otpadom, kao i uspostave prvobitnog stanja na terenu. (*Rješenje br: 03/1-2-33-1026/21 od 27.04.2021. godine*)

Dostavljeno:

1. Naslovu
2. Pomoćnik načelnika 03/1
3. Evidencija
4. a/a

Sanitarno - komunalni inspektor

Elsada Šehović, dipl.ing.hem.



Adresa: Bogumilska br.1 tel: 032/786-061 centrala, 032/786-027 inspekcija,
fax: 032/786-031, 032/786-041
e-mail: insekcija@breza.gov.ba www.breza.gov.ba





Broj: 02/1-9-23-3044/21
Breza, 19.10.2021. godine

OPĆINSKO VIJEĆE BREZA - SLUŽBA OPĆINSKOG VIJEĆA –

Predmet : Odgovor na postavljenu vijećničku inicijativu

U okviru vijećničkih pitanja na sjednici Općinskog vijeća Breza koja je održana dana 30.09.2021. godine, vijećnik Mirnes Bašić je postavio vijećničku inicijativu koja glasi:

„Neophodno nasipanje i utezanje sokaka puta koji vodi od glavnog puta ka „Rankama“. Ako Općina nije u mogućnosti uraditi nasipanje dionice puta, predlažem da se dionica naspe od mog paušala, te mi se dostavi odluka o obustavi istog za realizaciju prije pomenutog. Inicijativu realizovati prije nastupanja zimskog perioda i prije snježnih padavina.“

U vezi postavljene vijećničke inicijative, dajemo sljedeći odgovor:

Kroz Ugovor o redovnom održavanju javnih cesta na području Općine Breza za 2021.godinu, koji je Općina Breza zaključila s JP „Komunalno“ d.o.o. Breza, a koji je u skladu s Godišnjim planom i programom održavanja i zaštite javnih cesta na području Općine Breza za period 15.03.2021. - 15.11.2021. godine, kroz aktivnosti snimanja potreba na terenu, izdavanja radnog naloga i praćenje realizacije istog će se izvršiti nasipanje dionice puta koji je predmet postavljene vijećničke inicijative.

Obrađivač: R.Mušanović

Dostavljeno
1 x Naslov
1 x evidencija
1 x a/a

Pomoćnik načelnika
Salih Hasanspahić





Broj: 02/1-9-23-3043/21
Breza, 19.10.2021. godine

OPĆINSKO VIJEĆE BREZA - SLUŽBA OPĆINSKOG VIJEĆA –

Predmet : Odgovor na postavljenu vijećničku inicijativu

U okviru vijećničkih pitanja na sjednici Općinskog vijeća Breza koja je održana dana 30.09.2021. godine, vijećnik Mirza Ahmedspahić je postavio vijećničku inicijativu koja glasi:

„Podnosim vijećničku inicijativu da se u naselju Kamenice, tačnije u tunelu koji se nalazi u blizini okna Kamenice a predstavlja putnu komunikaciju prema naselju Kahve, izvrši ucjevljenje potoka u dužini cca 20m i asfaltiranje pripadajućeg puta dužine oko 20m. Otvoreni dio kanala koristi se za ispušt otpadne vode iz okna Kamenice, ali i otpadnih voda određenih subjekata, tačnije stanovnika naselja Izbod. Otvoreni dio kanala predstavlja izvor infekcije, a u ljetnim mjesecima širi se neugodan miris.“

U vezi postavljene vijećničke inicijative, dajemo sljedeći odgovor:

Tehnička lica ispred Općine Breza su izvršila snimanje predmetnog lokaliteta dana 23.08.2021. godine, te izradila projektni prijedlog zatvaranja otvorenog kolektora na lokalnoj cesti Bulbulušići – Kamenice. Projektovana vrijednost investicije - tj. zatvaranja otvorenog kolektora iznosi cca.9 000,00 KM s PDVom po aktuelnim tržišnim cijenama. Ista podrazumijeva izvedbu kontrolnih okana, mašinsko uklanjanje nanešenog materijala, polaganje betonskih nedostajućih cijevi, produbljivanje dna kolektora, betoniranje podne ploče i obodnih površina, te izradu i montažu pokrovnih ploča nad kolektorom.


Općina Breza će u narednom periodu, imajući u vidu ozbiljnost situacije, nastojati da realizuje ovaj projekat, tj. izvrši zatvaranje otvorenog kolektora na predmetnom lokalitetu, o čemu će Općinsko vijeće biti blagovremeno obaviješteno.

Obrađivač: R.Mušanović

Dostavljeno
1 x Naslov
1 x evidencija
1 x a/a

Pomoćnik načelnika
Salih Hasanspahić





Služba za privredu
Broj: 02/1-13-23-3045/21
Breza, 13.10.2021.god.

Stručna služba Općinskog vijeća

Predmet: Odgovor na pokrenutu inicijativu, dostavlja se

Poštovani,

Na sjednici Općinskog vijeća Breza održanoj dana 30.09.2021. godine, u okviru vijećničkih pitanja, vijećnik Nedim Abadžija, u pismenoj formi je pokrenuo vijećničku inicijativu koja glasi:

„Na inicijativu građana i s obzirom da je to strogi centar grada tražim odgovor na pitanje zašto još uvijek nije asfaltirana dionica od Intesa San Paolo Banke do tržnog centra Robot i kad se planira završetak radova?“

U vezi pokrenute vijećničke inicijative dostavljamo sljedeći odgovor:

Općina Breza je u prethodnoj godini, zaključila Ugovor o javnoj nabavci radova „Izgradnja saobraćajnice – veza ulica Žrtava genocida u Srebrenici i R-444“.

Do sada je izvršen dio pripremnih i zemljanih radova, izrada nevezanog nosivog sloja saobraćajnice i parking prostora sa ugradnjom izdignutih i spuštenih ivičnjaka. Pri realizaciji navedenog Ugovora došlo je do problema zbog bespravno izgrađenog objekta koji se prema projektovanom stanju nalazi u tijelu trase puta. Preostali radovi na odvodnji i asfalterski radovi bit će nastavljeni kad se za to stvore uslovi, odnosno kada se izvrši uklanjanje spornog objekta.

Općina Breza je aplicirala projekat završetka predmetne saobraćajnice na Javni poziv Vlade Federacije BiH, te su obezbijeđena sredstva u iznosu od 40.000,00 KM.

S poštovanjem!

Obrađivač: Edvina Kadrić-Velić

Dostavljeno:
1 x Naslov
1 x Evidencija
1 x a/a



Pomoćnik načelnika

Salih Hasanspahić



Adresa: Bogumilska br.1 tel. centrala 032/786-020, 032/786-061
fax.: 032/786-041, 032/786-031
e-mail: privreda@breza.gov.ba, www.breza.gov.ba



Bosna i Hercegovina
Federacija Bosne i Hercegovine
Zeničko-dobojski kanton
OPĆINA BREZA
Općinski načelnik
Služba za finansijske, inspekcijske
poslove i opću upravu



Bosnia and Herzegovina
Federation of Bosnia and Herzegovina
Zenica-Doboj canton
MUNICIPALITY OF BREZA
Municipal Mayor

Broj: 03/1-04-3036/21
Breza, 21.10.2021. godine

Stručna služba Općinskog vijeća Breza

- Ovdje -

**Predmet : Odgovor na vijećničku inicijativu, dostavlja se -
Veza Vaš akt broj:01/1-02-3019/21 od 05.10.2021. godine**

U vezi inicijative vijećnice Amine Jekalović da se, uvođenjem Registra vijećničkih pitanja i inicijativa, unaprijedi transparentnost i efikasnost rada Općinskog vijeća Breza, obavještavamo Vas o sljedećem:

Hvala Vam na iskazanom interesu za unapređenje rada Općinskog vijeća Breza, te poticanju uvođenja prakse koja bi omogućila veću javnost rada i institucije i izabralih javnih zvaničnika.

Također, napominjemo da je Misija OSCE-a u BiH 2009. godine pokrenula inicijativu „Lokalno je primarno“. Komponentu „Podrška Općinskom vijeću/Skupštini opštine“ navedene inicijative, u svom radu, sprovodilo je i Općinsko vijeće Breza, nastojeći unaprijediti komunikaciju s građanima.

Nakon što Vaša inicijativa bude razmotrena na sastanku predsjednika klubova parlamentarnih stranaka i poslije zauzimanja jasnog stava u vezi uspostavljanja Registra vijećničkih pitanja i inicijativa, krenut će se u realizaciju prijedloga.

Krajem januara 2021. godine svim vijećnicima i vijećnicima Općinskog vijeća Breza upućen je zvanični e-mail putem kojeg je naznačeno da za, potrebe ažuriranja web stranice lokalne samouprave, trebaju dostaviti odgovarajuće fotografije i određene podatke. Većina vijećnika još uvijek nije poslala tražene informacije, što je jedini razlog neažuriranja stranice sa podacima o novom sazivu Općinskog vijeća Breza.

S poštovanjem,

Pomoćnik načelnika

Dostavljeno:

1 x Naslovu
1 x evidencija, a/a

Beširević Meliha